

SEORANG lelaki dan anaknya memancing ikan di Pantai Batu Hitam.



Mohamad Azim Fitri Abd Aziz  
azimfitri@hmetro.com.my

**Kuantan**


**K**estimewaan Pantai Batu Hitam, Berserah di sini, tidak perlu diperkalkan lagi apabila keunikan pantainya daripada dimamah hakisan baik pelancong dari dalam dan luar Pahang.

Longgokan batu hitam di kawasan pantai itu adalah fenomena semula jadi yang dipercayai berlaku sejak ratusan tahun lalu dan kini terus menjadi nadi tarikan pelancong serta pencinta alam.

Bagi pencari kulit siput dan kerang di kawasan batu hitam itu adalah tempat strategik untuk menemui spesies kulit kerang yang unik sebaik air di pantai mula



PANTAI Batu Hitam mempunyai longgokan batu hitam sepanjang 200 meter di pesisiran pantai yang menjadi tarikan pelancong.



# RAYUAN BATU HITAM

## ■ Hamparan 200 meter berdepan masalah ekosistem akibat hakisan

*Harian Metro*

*3/2/2013*

*m/s 32*

surut.

Namun kini Pantai Batu Hitam berdepan cabarannya tersendiri apabila perlu mengekalkan keindahan ekosistem dan struktur batu hitam yang ada di pesisir pantainya daripada dimamah hakisan baik secara semula jadi mahupun angkara tangan-tangan 'gatal' manusia.

Menurut Pengarah Jabatan Alam Sekitar (JAS) Pahang Rosli Zul, pihaknya sentiasa bekerjasama dengan Jabatan Mineral dan Geosains serta Jabatan Pengairan dan Saliran (JPS) Pahang bagi memastikan kesinambungan ekosistem Pantai Batu Hitam terus terpelihara.

Katanya, JPS Pahang sudah menggerakkan beberapa usaha bagi memastikan tiada pencemaran di sekitar kawasan pantai dan kerosakan pada longgokan batu hitam dengan menguatkuasakan Akta Kualiti Alam Sekeliling 1974 dalam usaha melindungi

khazanah alam itu.

"Kami tahu pantai ini terletak berhampiran Pelabuhan Kuantan namun langkah memelihara tidak diabaikan. Kami akan memastikan pemaju di kawasan Pelabuhan Kuantan mematuhi akta sedia ada selain JAS akan melakukan Penilaian Alam Sekitar (EIA) untuk sesuatu projek pembangunan ingin dilakukan.

"Jika tidak memenuhi standard piawaian ditetapkan maka pihak pemaju perlu mengubah semula perancangan mereka atau sesuatu projek tidak dibenarkan berjalan," katanya kepada Harian Metro.

Beliau berkata, mengambil contoh pembinaan tambak pantai dan sungai di kawasan sekitar ia perlu dirujuk kepada JAS terlebih dulu untuk kajian dan pertimbangan dilakukan sebelum ia diluluskan.

Katanya, pembinaan tambak tidak

mengikut perancangan boleh menyebabkan kawasan pantai sekali gus menyebabkan berlaku hakisan.

Rosli berkata, selain itu pihaknya turut mempunyai undang-undang dan peraturan untuk kapal yang belayar berhampiran kawasan Pantai Batu Hitam untuk tidak sewenang-wenangnya membuang sisa kapal yang boleh membawa pencemaran.

"Pemantauan kualiti air di kawasan pantai turut dilakukan bagi memastikan tidak ada sisa tumpahan minyak atau sisa pencemaran lain dilakukan," katanya.

Katanya, selain itu beberapa saliran air seperti sungai dan parit yang menghala ke Pantai Batu Hitam turut diperiksa supaya tidak mengundang pencemaran.

Beliau berkata, namun faktor semula jadi seperti hakisan pantai akibat perubahan iklim dan geografi tidak mampu dikawal JAS sebaliknya usaha melindungi keindahan angkara perbuatan

manusia diteruskan.

"Sebagai contoh di Pulau Langkawi mempunyai Pantai Pasir Hitam, begitu juga di Kuantan. Perkara semula jadi ini harus dilekalkan untuk kesinambungan generasi akan datang," katanya.

Rosli berkata, kandungan sampel air sentiasa diperiksa dan diuji di makmal untuk memastikan ia tidak tercemar disebabkan sisa yang dibawa dari sungai berhampiran.

Menurutnya, air pantai yang tercemar bukannya saja menyebarkan kemerosotan kehadiran pengunjung malah boleh menyebabkan habitat dan hidupan laut turut musnah.

"Usaha ini perlu catang daripada semua pihak dan bukannya tanggungjawab JAS saja, kami harap masyarakat juga bersama membantu mengekalkan anugerah alam yang ada di Pantai Batu Hitam ini," katanya.

## Batu hitam identiti Kuantan

**Kuantan:** "Kami kalau boleh memang harap sangat batu hitam di pantai ini dapat dipelihara dan dijaga dengan baik kerana ia bukan saja menjadi tarikan pengunjung malah menjadi satu mercu tanda untuk pantai ini sendiri," kata pengunjung Pantai Batu Hitam, di sini, Adam Ihsan Abdullah, 19, yang turut menjadikan lokasi itu sebagai kawasan mencari kerang dan siput.

Katanya, dia sering ke pantai pada sebelah petang mencari kulit kerang di celah longgokan batu hitam selain membawa pulang batu yang unik.

Katanya, ketika air surut adalah masa yang terbaik untuk mencari kulit kerang malah jika berbasih baik boleh menemui hidupan air itu sendiri.

"Saya berpendapat pantai ini sudah menjadi identiti untuk penduduk di bandar ini. Disebabkan daya tarikan yang ada banyak peluang perniagaan dapat dijana seperti kedai makan dan kedai cenderamata," katanya.

Bagi pengusaha kedai makan di Pantai Batu Hitam Hadi Abdul Razak, 38, pihak berwajib perlu membina papan tanda dan papan keterangan di sekitar kawasan batu hitam berkenaan untuk memudahkan orang ramai mendapatkan maklumat mengenainya.

Katanya, perkara yang di-

anggap kecil itu kadangkala dapat memberikan manfaat dari segi kehadiran pengunjung terutama pengunjung luar.

"Jika dulu pantai ini pernah tercemar akibat sisa buksai namun kini sudah sangat mamanya kerajaan bangunkannya kembali sebagai destinasi pelancongan popular selain Cherating dan Pantai Teluk Chempedak.

"Walaupun ia terletak berdekatan dengan pelabuhan langkah untuk memeliharanya perlu ada jika tidak habis tercemar semua pantai yang ada di daerah ini," katanya.

Dia yang sudah mengusahakan kedai makan di sekitar pantai itu sejak tujuh tahun lalu berpendapat pihak berwajib juga boleh membina lebih banyak kawasan riadah seperti lautan pejalan kaki dan basikal serta kawasan mesra pancing bagi menjadikan ia terus dikunjungi.

Hadi berkata, Pantai Batu Hitam satu ketika dulu tidak begitu popular sebagai destinasi pengunjung untuk bermandi-mandi disebabkan berlaku pencemaran namun keadaan itu sudah berubah.

"Saya ucapkan terima kasih kepada pihak bertanggungjawab membantu memudakan semua pantai ini dan usaha menarik kehadiran pelancong," katanya.

